



天津交通銀行同
人俱樂部圖書室

左文襄公奏稿卷四十六

起光緒元年乙亥正月訖四月

目錄

懇 恩添設化平川學額摺

請將循化廳屬買吾等八族番民改隸洮州摺

同治十三年以後軍需請作一年開報片

敬陳愴痛下忱籲懇 節哀摺

河州叛回首要各犯伏誅地方肅清摺

覆陳設糧臺轉運事宜摺

前署貴德廳同知承順陣亡慘烈并全家殉難懇 恩破格

優卹摺

奏稿卷四十六目錄

覆陳海防塞防及關外勦撫糧運情形摺

遵 旨密陳片

袁保恆覆商各條片

籌借洋款片

甘肅地方安靜懇 恩舉行紀元鄉試摺

請將安肅五屬舉額隔科分別編號取中摺

桂錫楨馬隊撥歸金順節制片



懇 恩添設化平川學額摺

光緒元年正月十二日

奏爲籲懇

天恩添設化平川廳學額以廣教化其甯靈海城等廳縣學額應俟本屆考試後咨商學政妥議辦理恭摺仰祈

聖鑒事竊臣前奏設化平川直隸廳通判議設訓導一員添設學額二名旋准部議學額例有一定不得輕議加增新設化平川廳所轄之地係由固原隆德華亭平涼四州縣內分出令援照佛平廳董志原縣丞成案會同學政在於固原等四州縣內酌量抽撥學額二名其應設廩增各額缺亦於該四州縣內抽撥廩生一名增生一名俟撥定後即行咨部註冊比卽分別行知頃據平慶涇

奏稿卷四十六

一

固道平涼府詳稱據平涼縣閭學貢生何壽春等稟平涼縣學額一十二名承平之際應試童生常數百人每苦額滿近來縣境難民漸次復業安插回民又多均准入籍同棚合試原定學額本屬無多請免抽撥據固原直隸州知州廖溥明稟該州學額向係十五名今升直隸州學額照常新設化平川廳之地非由固原劃出請免抽撥據隆德縣申稱隆德原額祇有八名僅與莊浪鄉學等若再抽撥二名是縣學不得與鄉學一律見在應試人數漸增請免抽撥據華亭縣申稱閭學拔貢生徐迪等稟華亭歲科兩試僅取進文章一十六名轄境遼闊近時流亡復業絃誦不衰化平川地段由該縣劃出者雖多然該處子遺士人仍歸該縣考試請免

抽撥藩司崇保臬司楊重雅等覆查該管道府僉稱化平川廳創設之初平固并未分撥地畝隆德縣雖有分撥地畝不及十分之一其餘概由華亭劃出此次遵照部議抽撥學額應在華亭一屬分撥惟華亭學額僅止八名年來流亡漸復土著日多民之墾地占籍者亦復不少華亭民數日有增加學額似難減少況化平雖隸華界而見在安插者係陝西回民減該縣土著之學額加隔省安插之回民該道府所稱士民苦詞環顧尙非無因此化平川廳學額應請奏明免由華亭抽撥

敕部另議之原委也至改設之海城新設之平遠兩縣部議學額各五名應在固原會甯靈州靖遠各縣學內抽撥新設之甯靈廳

奏稿卷四十六

二

亦經會議酌請學額四名尙未抽撥定案本年陝甘學政按試在即爲期甚促而學額尙須酌議奏咨擬請飭各屬士子仍就向來應試原籍地方歸棚合考冊結卷面仍註明各廳縣字樣俟學政取進後再行指撥以歸簡易此後或應立爲定章或應籌請增額聽候會商學院奏咨辦理庶於部議有合試事亦期無誤具詳前來臣維部議學額不得另議加增原爲慎重試典簡拔眞才起見茲各府州縣以所屬士紳請免抽撥據情轉稟蓋因甘省各屬學額向本無多一經抽撥更形其少未便壅遏致拂輿情見值試期已迫學額未能遽遵部議應如該司道詳稱暫照各屬舊有學額取進再行指撥俟學臣按試一周察悉各屬應試人數多少文

風優劣會商具奏請

旨惟新設化平川廳係安插陝回處所既難於陝額議抽復難於
甘額議撥應請

旨俯准化平川廳另設學額二名以廣教化而順輿情庶
皇仁遠被殊俗同風於時務實有裨益如蒙

俞允學臣按試平涼屆時即可欽遵取進縱試期已過猶可查照
上屆辦法於按試完畢歸途調考亦不至誤除咨學臣查照外謹
據實陳奏伏乞

皇太后

皇上聖鑒訓示施行謹 奏

奏稿卷四十六

三

請將循化廳屬買吾等八族番民改隸洮州摺

光緒元年正月十二日

奏爲請將循化廳屬買吾等八族番民改隸洮州廳錢糧由洮州徵收分別奏咨立案恭摺具奏仰祈

聖鑒事竊維買吾奪麻那都郎凹直階羅博那札依多哈爾八族番民完納番貢錢糧向由循化廳徵收相沿已久據統領定西諸軍前福建布政使王德榜稟據八族番目等籲稱前此奉調剿賊殺傷回眾頗多積成仇隙若仍隸循化番民貢賦錢糧均須照舊赴廳城完納相距寫遠沿途經過回地慮其挾仇報復致起衅端請改隸就近地方以順輿情臣比飭蘭州府知府鐵珊前往督同狄道州洮州廳循化廳會勘擬議稟復旋據覆稱買吾等八族地

奏稿卷四十六

四

方距循化廳城三百一十五里山谷叢錯中間回民雜處向來氣類各別距狄道州雖止二百餘里而層巖疊嶂陟殊艱惟洮州廳治相距一百六十里向本番族所居改隸洮州廳官民皆便竊惟甘肅關內肅清回番各歸故土尙覺相安惟買吾等八族番眾舊隸循化一切貢賦差徭均須赴廳治供支完納地距廳治三百餘里有司殊苦照料難周此次買吾奪麻那都郎凹直階羅博那札依多哈爾八族番民又因近時隨同官軍防勦出力慮與回民挾仇肇衅雖屬過慮亦非無因該八族所居地址既與洮州廳近而洮州廳同知所轄番民爲多以之改隸洮州廳地近情聯自可相庇以安預彌釁隙而地方官政教易施撫字徵科可免曠誤洵

官民兩便之道與司道計議所見相同因飭查買吾入族番民每
年應完循化廳錢糧一切自同治十三年起撥歸洮州廳徵收茲
據司道會詳循化廳每年應徵屯番本色倉斗糧一千六十石三
斗二升一合八勺今買吾等入族番民改隸洮州廳管轄其應納
番貢本色倉斗糧一百四十八石自應由洮州廳徵收報撥其餘
番貢本色糧九百一十二石三斗二升一合八勺屯番本色糧九
十九石仍由循化廳照舊徵收造撥等情請奏咨立案前來臣覆
核無異所有買吾等入族番民改隸洮州廳應納錢糧由洮州廳
徵收緣由理合恭摺具奏伏祈

皇太后

奏稿卷四十六

五

皇上聖鑒敕部立案施行謹 奏

同治十三年以後軍需請作一年開報片

光緒元年正月十二日

再臣軍歷年餉需收支各款業將自同治五年由閩帶隊啟行起至十二年肅州克復截至年底止彙爲一案開具簡明清單奏報請銷同治十三年七月三十日欽奉

諭旨戶部知道單併發欽此嗣准戶部核覆請銷各款既係核實開陳應准照單支銷其自同治十三年正月以後軍需用款應照例章按半年奏報一次造具細冊送部以符定制等因并准兵部知照前來臣維部議軍需用款應查照例章按半年奏報一次造冊送部原爲核實支銷起見自應查照辦理惟臣軍每年收到各省協餉多牽前搭後支發款目又極繁鉅若照例章按半年奏報

奏稿卷四十六

六

一次俱多窒礙且甘肅艱苦情形甚於各省所支之款與例章多有未合而事在必需實不容稍涉拘泥致滋貽誤所有臣軍同治十三年正月以後軍需收支用款報銷應懇

天恩俯准不拘成例改作一年開單奏報一次以歸簡易而昭核實除咨部查照外謹附片具陳伏乞

聖鑒訓示施行謹奏

軍機大臣奉

旨該部知道欽此

敬陳愴痛下忱籲懇 節哀摺

光緒元年正月十三日

奏爲敬陳愴痛下忱籲懇

節哀仰祈

聖鑒事竊臣接奉部咨痛悉同治十三年十二月初五日

大行皇帝龍馭上賓搶地呼天罔知所措當卽率同文武各員舉

哀成服欽惟

大行皇帝臨御十又三載稟承

慈訓綏靖寰區

孝思之誠

武德之盛

奏稿卷四十六

七

知人之哲

安民之仁古昔帝王盛軌奚以加焉不料大難甫平

變輿晏駕天下臣民同深哀戚矧臣之受

恩至爲優渥者乎上年曾以

起居調攝愚悃縷陳憾披瀝之已遲遽攀號之莫及椎心泣血無

地自容我

皇上入承大統

付託至重伏懇

節哀順變用濟艱難上慰

兩宮

皇太后悲慟之懷下乎溥海蒼生瞻依之願臣遠在西陲不能奮飛

闕下稍展微忱欽奉

諭旨未敢率請叩謁

梓宮擅離職守

鼎湖翹望心旌如懸感戀下懷曷其有極謹繕摺具奏伏乞

聖鑒謹 奏

軍機大臣字寄光緒元年正月二十五日奉

上諭景廉奏關外軍糧匱乏情形一摺哈密巴里坤古城濟木薩等處皆係兵燹之餘戶口彫敝田地荒蕪古濟招集流民僅數百戶產糧甚少金順委員在古城僅買糧七千餘石已收者止四千餘石景廉并無爲金順訂買糧二萬餘石之事刻下金順所部駐紮巴里坤購糧甚爲棘手尙有十餘營畱紮肅州安西一帶未能前進至烏里雅蘇臺等處并不產糧斷難分濟大軍已據額勒和布等覆奏見在官軍陸續西進若非聚精會神迅籌勦辦則糜餉老師何以復疆圍而禦外侮然非軍糈充裕士飽馬騰則飢潰堪虞辦理亦斷難得手景廉所陳前敵軍糧匱乏均係實在情形亟應由關內妥爲籌畫源源接濟著責成左宗棠將後路糧運事宜實力籌辦并哈密以西各處應如何設立臺站俾資運送即行一併妥籌具奏該大臣務當仰體朝廷眷念西陲之意力任其難毋得稍存推諉倘因軍糧不繼致緩師行貽誤事機定惟左宗棠是問張曜宋慶兩軍或北至古城合兵進取或由南路進攻吐魯番卽著景廉金順隨時妥商調派見在關外兵力較厚景廉等務當激勵將士奮勇進剿迅復烏城倘軍糧無缺而曠日持久任令踞匪負嵎定惟景廉金順是問將此由六百里各諭令知之欽此

軍機大臣密寄光緒元年二月初三日奉

上諭有人奏新疆各城北鄰俄羅斯西界土耳其天方波斯各回國南近英屬之印度中國目前力量不及兼顧西域可否敕西路統領但嚴守見有邊界不必急圖進取此議果定則已經出塞及尙未出塞各軍可撤則撤可停則停其停撤之餉卽勻作海防之餉又有人奏海疆之患不能無因而至其視成敗以爲動靜者則惟西陲軍務宜以全力注重西征各等語刻下情形如可暫緩西征節餉以備海防原於財用不無裨益惟中國不圖規復烏魯木齊則西北兩路已屬堪虞且關外一撤藩籬難保回匪不復嘯聚肆擾近關一帶關外賊氛旣熾雖欲閉關自守勢有未能見在通

奏稿卷四十六

十一

籌全局究應如何辦理之處著該大臣酌度機宜妥籌具奏至關外見有統帥及見有兵力能否剿滅此賊抑或尙有未協之處應如何調度始能奏效或必須有人遙制俾關外諸軍作爲前敵專任剿賊方能有所稟承并著通盤籌畫詳細密陳肅州克復後屢次諭令該大臣將所部各營設法裁併遣撤原冀撙節餉項以備出關之需上年十月間并據左宗棠奏亟擬次第裁併爲節餉整軍計等語見在能否續行裁撤以期勻出餉需該大臣諒必隨時經畫并著一併奏聞西路用兵不能不以肅州一帶爲後路糧臺朝廷不另簡派戶部堂官辦理屢諭左宗棠駐紮肅州專司其事亦以糧運事宜經本省大吏督辦呼應較靈又恐該大臣公務紛

繁不違兼顧并以袁保恆前辦西征糧臺數年以來尙無與左宗棠不能和衷痕迹故特授袁保恆以戶部侍郎并作爲幫辦以爲該大臣指臂之助乃近來彼此齟齬殊失協和之道左宗棠閱歷之深居心之正辦事之精細結實原迥非袁保恆所能及而該大臣平日亦間有意存畛域氣量近褊之處袁保恆旣不能與左宗棠平心商推深恐貽誤事機朝廷實深慮慮且遇事各存意見則兩人同辦轉不如一人獨辦可免掣肘之虞左宗棠老成謀國素著公忠關外餉糧轉運事宜應如何辦理自必籌之至熟而鎮西迪化各廳州皆該督所轄尤應獨任其難左宗棠前曾有不駐肅州亦可隨時料量之奏如該大臣可以兼顧抑或一人不能兼顧

奏稿卷四十六

十一

而袁保恆實難勝幫辦之任該大臣意中或另有得力之員可以分任其事亦不妨據實直陳均著妥籌密奏俟奏到後再降特旨將袁保恆撤回朝廷用人毫無成見但求於事有濟該大臣當諒此苦衷也本日據錢鼎銘奏中原如無大軍鎮撫萬一事機猝發遂成坐困擬將宋慶所統全部調回潼關扼紮不但西可顧秦隴北可蔽晉燕豫省亦有所恃且可省一軍之芻粟以供出關諸軍之飽騰等語宋慶所部應否畱紮內地如不令該軍西征關外兵力是否足敷勦辦著左宗棠體察情形迅速具奏將此由六百里密諭知之欽此

河州叛回首要各犯伏誅地方肅清摺

光緒元年二月初三日

奏爲河州叛逆首要各犯悉數伏誅搜獲餘匪均審明分別辦理竣事地方一律肅清恭摺馳陳仰祈

聖鑒事竊河州南鄉撫回構衅糾眾抗拒官軍調集各路防營圍剿疊獲大勝各情形業於上年十二月十七日由驛馳報嗣據道員劉錦棠總兵沈玉遂等稟十三日各率所部由買家集拔駐三十里鋪探知黃泥溝有零匪伏匿隨派都司馬占鼇率馬隊往捕刃賊五名生擒九名解營訊供稱閔逆自初九日大敗後因官軍追急由打鼓臺山頂翻山西竄隨身止十餘人不知去向訊畢斬之劉錦棠等以首逆在逃立飭馬占鼇率馬隊赴西鄉尋蹤追捕

奏稿卷四十六

三

十四日至高廟山詢知有賊甫由炭家川一帶逃走其地可出大何家對河卽提督劉明燈扼防之地料賊不敢履冰徑過是夜窮搜山谷仍渺無蹤迹十五日辰刻由五臺關至焦家坪瞥見有賊十餘從山坳突出認係閔逆拍馬追及閔逆猶喉隨身餘黨回頭死拒戳傷勇丁四名馬占鼇憤甚躍馬直前扶傷閔逆右骹登時就縛餘黨盡殲十八日馬占鼇解閔逆赴河州劉錦棠沈玉遂驗訊確實飭派總兵陶鼎金等將該逆首閔殿臣并前此陣擒逆弟閔承七逆子閔承木及悍目馬伏策等一併檻送到省二十三日

臣督同司道堂訊畢恭請

王命飭中軍副將崇志蘭州府知府鐵珊將該逆閔殿臣逆弟閔

朶七逆子閔京木逆目馬伏策四犯綁赴市曹凌遲處死梟首示眾飭劉錦棠沈玉遂提督劉端冕張仲春總兵凌春臺張福齊粟龍山等各率所部劃分地段窮搜匪窟慮兵勇入村良莠莫辨諭各鄉漢回鄉約戶長互相糾察見有匪蹤卽縛送各營分別辦理又慮戶長或有藉報私怨妄行指拏之事飭營務委員分省補用直隸州羅長祐前赴沙泥逐加研訊錄供呈核計各軍先後縛送東鄉黑莊等處匪目馬塞肥馬鴨黑鴨南鄉甯和撒拉崖各莊匪目馬由奴馬五十一馬羅家保沙哈六馬哈山又據軍功馬悟眞等捕送東鄉妥家溝匪目妥三十七及三滿拉等要犯訊均甘心從逆飭各營卽於軍前斬決梟首示眾其各鄉良回自行縛送逃

奏稿卷四十六

三

匿回匪先後共五百三十名及按名指拏到案者九十餘名概予斬決其應畱待質或被偏勉從罪可末減者案定發落務期無枉無縱於嚴辦中仍寓持平之意各軍營於獲犯訊決後陸續撤回原防招徠避匿漢回丁壯各復舊業毋誤春耕仍查被賊偏脅不從遇害各良回加之旌卹示以順逆存亡之理回族多疑善詐雖若性生至於利害生死之辨則人盡知之其必因勦撫分明生其愛慕畏憚之念可知也況閔逆藉報復尋仇因而構變是回與回闕非尋常漢回構怨之比官司持平辦理本無畛域可分亦何所庸其猜怨乎此次諸軍併力圍攻網羅密布賊巢覆後首要各犯數日內卽生擒檻送解省訊明盡法處死與眾共之旬日間匪匪

數百名一概殲滅不但河境晏然卽附近各廳縣新舊安撫回民
目覩兵威更堅其去逆效順之志察看情形足規久遠布政使銜
三品卿銜候選道見署西甯道

賞穿黃馬褂法福靈阿巴圖魯劉錦棠迅赴戎機審畿致決辦理
此案始終無冤無濫不僅戰功足錄其才識卓越殊異常流可否
破格錄用之處出自

天恩補用都司馬占鼈帶隊奮迅捕斬匪黨甚夥擒獲首要各逆
請以遊擊補用并

賞給三品封典五品花翎馬悟眞隨同官軍勦賊身帶重傷復設
法擒獲著名逆目解營正法請以守備儘先補用五品花翎馬永

奏稿卷四十六

瑞督率回勇合力奮擊陣斬悍黨并縛送各鄉匪多名請以守
備儘先補用頭品頂帶記名提督奇朗阿巴圖魯

賞穿黃馬褂譚和義頭品頂帶記名提督霍隆武巴圖魯

賞穿黃馬褂席大成記名提督力勇巴圖魯黃萬鵬頭品頂帶記
名提督巴克坦巴圖魯蕭元亨英勇異常戰功卓著均請交部從

優議敘黃萬鵬并

賞換清字勇號畱陝補用參將張俊膽略甚優請以副將仍畱原

省儘先補用并

賞加總兵銜二品頂帶參將銜畱陝補用遊擊李雙良請以副將
仍畱原省儘先補用記名總兵胡敦巴圖魯陶鼎金請交部從優

議敘頭品頂帶記名提督潘長清頭品頂帶記名提督努克齊斯
思琿巴圖魯李有成記名提督湯秀齋均請交部從優議敘補用
都司聶青山石蘊玉均請以遊擊畱甘儘先補用補用遊擊楊玉
恆請以參將畱甘儘先補用花翎陝甘補用都司謝光華請以遊
擊仍畱陝甘儘先補用五品花翎崔偉畢大才禹中海均請以守
備儘先補用五品藍翎馬正國禹益長均請以千總儘先補用湖
南補用副將沈玉貴請

賞給勇號副將銜廣東補用遊擊阿克敦巴圖魯黃金福請以副
將畱甘儘先補用軍功李金夏馬殿林顏得清劉海雲均請以把
總拔補并

奏稿卷四十六

五

賞戴藍翎提督銜閩浙補用總兵佐勇巴圖魯戴清輝陝甘補用
總兵余忠泰補用總兵朱華祥均請以提督補用補用副將陳孟
魁請以總兵交軍機處記名遇有總兵缺出請

旨簡放藍翎千總沈福田請以都司儘先補用并

賞換花翎總兵銜儘先補用副將李輝池請以總兵儘先補用花
翎遊擊銜補用都司戴慶有請以參將儘先補用并

賞給清字勇號補用總兵陳登桂請

賞給清字勇號補用守備聞其政請以遊擊儘先補用并

賞加參將銜補用總兵周東漢請

賞給清字勇號總兵銜補用副將猛勇巴圖魯蔣恭成請

賞換清字勇號花翎補用都司張受春請以參將儘先補用并賞加副將銜補用總兵翔勇巴圖魯周應堂請

賞換清字勇號儘先補用副將楊英華請交軍機處記名以總兵請

旨簡放補用總兵曠勇巴圖魯鄧景雲請

賞換清字勇號記名提督格洪額巴圖魯劉端冕提督銜閩浙補用總兵達桑阿巴圖魯張福齊等二員均請交部從優議敘畱陝補用參將邊得貴請以副將仍畱原省遇缺儘先補用其餘出力各將士及縛送匪犯各良回可否由臣查明彙案請獎之處出自鴻施陣亡記名提督嘎爾薩巴圖魯何明海記名提督勝勇巴圖

奏稿卷四十六

夫

魯李明高提督銜記名總兵彭華堂提督銜補用總兵黃添泰記名總兵凌默發補用副將李福星副將銜陝甘儘先補用參將朱光耀補用遊擊陳英華等八員忠勇義烈常爲軍鋒此次血戰捐軀深堪憫恤之至應請

旨敕部各照官階從優議卹餘俟查明彙入關內肅清案內敕奏所有官軍擒獲叛首解省訊明處決從逆各要犯悉數殲除分別妥辦一律肅清各情形謹據實馳陳伏乞

皇太后

皇上聖鑒訓示施行謹 奏

光緒元年二月十四日內閣奉

上諭左宗棠奏河州叛逆首要各犯伏誅餘匪一律辦竣地方肅清請將出力陣亡各員分別獎卹一摺甘肅河州叛逆閔殿臣糾眾構亂經左宗棠派遣員劉錦棠等帶領各營於上年疊次圍剿獲勝劉錦棠復派都司馬占鼇帶隊搜剿追至焦家坪地方將逆首閔殿臣擒縛餘黨盡殲閔殿臣及逆弟閔尢七逆子閔尢木及悍目馬伏策等均經解省正法各鄉縛送逃匿回匪五百三十名拏獲到案者九十餘名概行斬決河州全境肅清在事各員尙屬著有微勞自應量予鼓勵都司馬占鼇著以遊擊補用并賞給三品封典五品花翎馬悟真馬永瑞均著以守備儘先補用提督譚和義等均著交部從優議敘內黃萬鵬并賞換伯奇巴圖魯名號

奏稿卷四十六

七

參將張俊著以副將仍畱陝西儘先補用并賞加總兵銜遊擊李雙良著以副將仍畱陝西儘先補用總兵陶鼎金著交部從優議敘提督潘長清等均著交部從優議敘都司聶青山等均著以遊擊畱於甘肅儘先補用遊擊楊玉恆著以參將畱於甘肅儘先補用都司謝光華著以遊擊仍畱陝甘儘先補用五品花翎崔偉等均著以守備儘先補用五品藍翎馬正國等均著以千總儘先補用副將沈玉貴著賞給剛勇巴圖魯名號遊擊黃金福著以副將畱於甘肅儘先補用軍功李金良等均著以把總拔補并賞戴藍翎總兵戴清輝等均著以提督補用副將陳孟魁著以總兵交軍機處記名遇有總兵缺出請旨簡放千總沈福田著以都司儘先

補用并賞換花翎副將李輝池著以總兵儘先補用都司戴慶有
著以參將儘先補用并賞給喀勒春巴圖魯名號總兵陳登桂著
賞給噶爾薩巴圖魯名號守備聞其政著以遊擊儘先補用并賞
加參將銜總兵周東漢著賞給額圖洪額巴圖魯名號副將蔣恭
成著賞換奇徹伯巴圖魯名號都司張受春著以參將儘先補用
并賞加副將銜總兵周應堂著賞換訥齊欣巴圖魯名號副將楊
英華著交軍機處記名以總兵請旨簡放總兵鄧景雲著賞換霍
切春巴圖魯名號提督劉端冕等均著交部從優議敘參將邊得
貴著以副將仍畱陝西遇缺儘先補用其餘出力將士及縛送匪
犯各良回著左宗棠彙案保奏陣亡之提督何明海李明高總兵

奏稿卷四十六

六

彭華堂黃添泰凌默發副將李福星參將朱光耀遊擊陳英華均
著交部各照官階從優議卹該部知道欽此

覆陳移設糧臺轉運事宜摺

光緒元年二月初三日

奏爲遵

旨覆陳事竊臣承准軍機大臣字寄同治十三年十二月十四日奉

上諭袁保恆奏擇定西征糧臺進駐巴里坤摺據稱烏里雅蘇臺科布多兩處設立糧臺均不相宜惟巴里坤爲南北適中之地且緊接大軍之後擬將糧臺移設巴城等語糧臺轉運事宜關繫甚重應否移駐巴里坤之處著左宗棠袁保恆和衷商榷奏明辦理移臺之後其餉項一切仍由陝甘內地行走必須陝省後路糧臺催提轉解以資接濟左宗棠務當督飭地方各官認真經理毋得

奏稿卷四十六

九

稍分畛域致誤事機袁保恆奏稱糧臺移設後須撥兵護運并請於舊部皖軍中商調數營此時皖軍能否調撥并左宗棠能否將應撤之營酌撥馬步若干著該大臣酌度情形與袁保恆會商妥辦張曜宋慶兩軍見在天津南路該軍糧運卽由左宗棠先爲接濟俟移臺後應如何統籌兼顧并著左宗棠袁保恆商辦毋誤軍食金順已抵巴城卽著趕緊部署迅速西進金順到古後景廉卽與該都統將進剿機宜妥爲籌辦以期迅速逆氛將此由六百里各諭令知之欽此竊維糧臺之設原以支應糧餉軍需俾前敵各軍得壹意馳驅無須分心儲峙其必緊居大軍之後者勢所當然巴里坤距各軍駐紮之古城濟木薩等處爲程七百餘里車駝暢

行無阻臺設巴里坤照料易周各軍赴臺領運取攜甚便回亂以來城垣完好如常舊爲北路商賈輻輳之所百貨萃集市廛鱗次今昔無殊袁保恆稱糧臺宜移設巴城是矣惟巴城產糧無多從前天時地利人和三廠屯田日久荒廢從新經理屯政暫無近功經理如不得人更滋虛耗金順上年在此採辦軍糧民商分購僅得七千餘石其明徵也臣原奏北路應兼收烏科一帶新舊之糧者以此袁保恆所陳移臺巴里坤先買古濟之糧次則仍由南路調運臣思古城之糧景廉已經訂買巴里坤之糧金順已經訂買其額爾慶額所買之糧臣已發過價銀暫毋須由臺支發若訂買古城濟木薩之糧運回巴里坤無論古濟之糧未必尙敷訂買且

奏稿卷四十六

三

亦無此辦法也南路涼甘肅安西新訂之糧十九萬石不爲不多因乏見銀收繳尙欠五萬餘石除供張曜宋慶全軍及金順雷安西肅州數營外涼甘肅州所有防城護運兵勇馬步各營皆取給於此算至見新時縱有存餘必無多矣若復加價訂買則已訂之五萬餘石更難收齊且貧戶無糧出糶者買食維艱青黃不接時無從設措上年於散給籽種外郡縣復廣設粥廠資賑療飢洵非得已價愈增則富者之欲未厭而貧者之苦愈甚揆之事理實不可行且新糧訂買已多民間搜括殆徧本屬實在情形袁保恆所奏以南路調運爲末著自有所見古濟之糧既已採過涼甘肅之糧又難議增然則臺移巴里坤其必仍於北路廣籌採運也明矣

烏里雅蘇臺科布多一帶糧多可採袁保恆自當盡心籌之近又
廣加諮訪知歸化包頭至射臺大巴一帶十數站大巴至巴里坤
十六站中間產糧之處甚多其地雖無臺站無一定地名然舊時
商旅之赴巴古烏魯木齊者每取道於此以其有糧可購有駝可
雇價均平減也湖茶私販由此路至古城銷售經歷任督臣奏明
有案近日臣礮隊總兵鄧增隨金順到巴里坤稟稱巴城商賈絡
繹不絕棉價布價糧價與內地相近皆言由烏科一帶來者卽指
此路觀其市價平減知其路徑之捷價腳之省景廉前與金順書
稱包頭運糧實亦不少非虛語也臣檄歸綏道崇繕詢訪確實具
報一面委員攜銀二萬兩往歸化包頭試辦採運應否加銀增採

奏稿卷四十六

三

容遲再議惟袁保恆所奏移臺巴城雖以調運烏科之糧爲言以
調運南路爲末著而注意仍在肅州見在趕製大車已購車騾三
千頭駸駸西向勢已垂成事難中止姑無論天山嶺脊石徑犖确
向無轍迹重載糧車聯幫銜接較之單車空車尙可參用人力從
容過險者艱阻特甚事必不行也卽照袁保恆所擬辦法言之車
糧由肅運巴艱阻所不辭勞費所不惜而肅運之糧亦必無顆粒
可到巴城按肅州安西越哈密二十四站計程雖止二千二百餘
里而道路縣長又多戈壁車馱駝隻均須就水草柴薪之便憩息
牧飲不能按站而行中間人畜疲乏又須停住養息卽催趲迫促
斷非三十餘日不能到巴計每騾一頭日須噉料八斤一車一夫

口食日須兩斤蘭州以西料豆缺產餵養用青稞大麥粟穀等充之畜食之料卽人食之糧也車行三十餘日計一車運載之糧至多不過六百斤兩騾餵養卽耗去五百數十斤車夫口食亦須六七十斤而車糧已罄安有餘糧達巴里坤乎卽達巴里坤而車騾之餵養車夫之口食又將安出此不謂之虛糜不得也大抵西北轉運以駝隻爲宜爲其食少運重又能過險也駝行口內食糧不過三斤晝牧夜行可省草束且一夫管牽五駝日需口食又省若行口外則食草不食料如遇勞乏但餵料一升加鹽少許卽復故惟駝夫宜擇其老實勤快管夫之人宜擇其耐勞善於體恤者雖不歇廠亦少倒斃之患故關內外諸軍均使駝而不使車統領

奏稿卷四十六

三

營官之能者常畱心照料不盡委之廝養小卒也袁保恆初議移臺臣卽詳告以宜駝不宜車關內之用馱騾可多車騾宜少天山無車路關內之糧難逾天山及購駝不如雇駝辦官車不如用民車已辦之車只可酌改州縣臺車以省餵養而迄不見察臣無如何見在製造車輛已成採買騾騾已到而始籌及餵養維艱意欲仍駐肅州辦理車運并奏陳西路用兵糧臺均設肅州而引岳鍾琪會用兵車糧車黃廷桂分車馱北過天山爲證不知岳鍾琪之用兵車後此會否停止其過天山或係令士卒下車推挽以資輕便均無從詳考至糧車則岳鍾琪於後起運至玉門布囊吉時咨止前進而由巴里坤派餘丁三千幫協轉運謂可省車馱之煩并

以節費當時原有紀錄黃廷桂於用兵回部時以車騾駐哈密一半赴北路巴里坤裝糧運庫車一半徑由哈密運南路吐魯番時當重熙累洽物產豐盈而岳鍾琪由南路進兵巴里坤始用糧車繼復停止至派餘丁三千轉運藉以省煩節費其因天山非車路可知黃廷桂用車騾一半往北路裝糧運庫車重載返時不逾天山其一半徑由哈密運吐魯番則本是向天山西南行更不近天山也袁保恆預存想當然之見求成必不行之事竟至牽強往迹傅會其說臣實有所未喻也竊維從前西路用兵

列聖之派大員赴肅州哈密辦糧臺轉運前敵軍食者均以集協款調車馱駝隻爲事至糧料草束一切承辦之員必視前敵軍行

奏稿卷四十六

三

所至擇路之捷費之省者妥慎籌維務得其當道光六年討張格爾官軍由北路向南路之阿克蘇

宣宗特頒手諭十條

聖懷以肅州嘉峪關距阿克蘇五千餘里哈密總設糧臺鞭長莫及

救運烏魯木齊所積屯糧赴阿克蘇并於伊犁採買省內地轉輸大半又以內地軍械火藥由南路吐魯番至庫車途多戈壁

救改由北路逾冰嶺轉阿克蘇程途相等細繹

疊降諭旨於師行南路時猶以運北路之糧省關內轉輸爲宜然則師行北路不應由南路辦運也明矣臣愚謹就見在已成局勢

言之袁保恆移臺之先必將烏科及各處糧路運路周爰諮詢精心擇度以所購之駝運北路之糧以次達巴里坤迨巴里坤收有成數袁保恆徑赴巴城設立糧臺一面仍運北路之糧一面用駝南來裝運南路肅局之糧屆時距秋穫之期不遠採糧較易可冀集事較之駐肅轉運巴里坤重車不能過險軍餉無可繳納勞費過鉅終歸無濟者大不侔也其已辦車騾虛耗餽養殊爲可惜擬以有騾無車者分撥蘭州東路抵臺車之用或加撥涼甘安肅各處備臺車添套及補里車放忙之缺容臣與袁保恆商定再由袁保恆自行陳奏至關外諸軍需用軍裝軍火向係自行製購入陝後由西征糧臺駐陝軍需局發傳牌到蘭州由督署發傳牌飭沿

奏稿卷四十六

書

途州縣隨時派臺車民車運送價由各軍押運委員自發相安已久從無違誤查諸軍軍裝軍火所習所用各有攸宜色目既殊多寡之數緩急之需亦異毋庸由糧臺預爲備辦其子藥等項臣已設局肅城各統領遇有缺乏均可隨時借領將來另款開報爲數無多自無須添設款目袁保恆原奏糧臺移設須撥兵護運請於舊部商調數營奉

諭左宗棠能否將應撤之營酌撥馬步若干著酌定情形與袁保恆會商妥辦竊維臣軍自上年撤遣馬步四十營後又撤去奇捷等營馬步勇夫約共千名見僅存一百四十一營須俟洋款借到再行酌撤其應撤之營久役思歸是否願赴關外無從懸擬查巴

里坤原有領隊大臣及總兵駐紮臣近因鎮標急須整理奏委記名提督王鳳鳴署理鎮篆已飭隨帶餉銀六千兩先赴署任切實挑汰募補酌給月餉冀可改觀臺移同城自可資其照料糧臺所應有者護臺兵勇夫役爲數不必過多設臺以後前敵諸軍餉需一切均可赴糧臺請領毋須由臺運解毋須弁兵押護哈密見有張曜全軍駐紮安西肅州甘州涼州蘭州平涼以至陝西節節駐有防營原因巡緝遊匪兼資護運而設袁保恆隨時各行護運斷無違誤毋庸調撥馬步致涉虛糜移設糧臺原爲接濟前敵各軍起見糧臺專司轉運不必參預軍務且見在臺尙未移籌糧籌運茫無頭緒豈可預議增調馬步各營益重其累臣拜摺後當卽鈔

奏稿卷四十六

三

錄摺稿咨知袁保恆如有不合彼此無妨辯駁以衷一是俟議論悉合意見均融再當會銜具奏所有移臺轉運事宜及見在確實情形謹一併詳細陳明伏乞

皇太后

皇上聖鑒訓示施行謹 奏

軍機大臣奉

旨另有旨欽此

軍機大臣字寄光緒元年二月十四日奉

上諭左宗棠奏河州叛回勦辦竣事并覆陳移設糧臺事宜各一摺河州南鄉撫回構衅糾眾抗拒官軍經左宗棠飭道員劉錦棠等前往勦辦將首要各犯悉數擒獲正法地方一律肅清劉錦棠迅赴戎機甚爲得力已交軍機處存記并明降諭旨將出力陣亡各員均照所請分別獎卹矣此次回眾滋事勦撫分明尙無枉縱惟該回族多疑善詐其中桀驁之徒撫馭稍不得宜難保不復相勾煽爲患地方左宗棠當飭地方官妥爲彈壓加意拊循并調派勁兵擇要扼紮以資備禦而杜亂萌左宗棠以糧臺宜設巴里坤須於北路廣購糧石以濟軍食惟前據額勒和布等奏烏里雅蘇臺地屬苦寒素不產糧科布多亦無餘糧可採并據景廉奏古城一帶田地荒蕪收穫無幾該都統并無爲金順訂買糧二萬餘石之事師行糧隨關繫極爲緊要所有移設糧臺并一切事宜著左宗棠懷遵本年二月初三日密諭悉心妥籌迅速具奏景廉額勒和布等各摺著鈔給閱看將此由六百里諭令知之欽此

軍機大臣字寄光緒元年二月二十七日奉

上諭景廉奏敬陳糧運事宜一摺據稱北路烏科等城無糧可採仍應在肅州設立總臺安西哈密巴里坤設立分臺等語前疊諭左宗棠將關外各軍糧運事宜通籌全局據實奏陳此次該都統所稱糧臺宜設肅州并應另設分臺係屬實在情形卽著左宗棠懍遵二月初三日諭旨一併籌畫迅速具奏前據左宗棠奏袁保恆所請開辦屯田殊非此時所宜當諭令與袁保恆商酌茲據景廉奏關外地廣人稀果能大興屯政關外多一分收穫關內卽少一分轉輸雖奏效稍遲而節省經費之計無逾於此等語著左宗棠悉心籌辦勿惜小費而廢大計見在大軍進規烏魯木齊軍糧最關緊要該大臣務當妥速籌維認真經理以裨大局毋得稍存成見致誤事機將此由六百里諭令知之欽此

前署貴德廳同知承順陣亡慘烈并全家殉難懇 恩破格優卹
摺光緒元年二
月二十六日

奏爲查明前署貴德廳同知候補通判承順陣亡慘烈并全家殉
難實在情形仰懇

天恩敕部破格優卹以裒忠蓋恭摺具奏仰祈

聖鑒事竊查前署貴德廳同知候補通判承順於同治六年二月
十六日夜逆回馬盂三法正清馬雙哥王孕喜等攻破廳城該故
員帶領家丁奮力巷戰陣亡甚慘家屬同時遇害業經前署督 臣
穆圖善於同治六年七月二十一日彙案附奏請將該員承順照
陣亡例從優議卹其同時被害家屬聲敘俟查明另行辦理欽奉

奏稿卷四十六

三

諭旨均著照所請交部分別從優旌卹欽此嗣 臣進駐省垣復據
甘肅軍需局司道詳查明同治六年貴德廳城失守故員承順之
母薩克達氏次弟候補州同崇順四弟吉順及訓導楊永平等均
同時被害經 臣於同治十二年十一月二十日彙案具奏請
卹同治十三年正月二十八日奉

硃批徐魁等均著交部照例分別旌卹欽此嗣接到各部議覆惟
承順一員僅准戶部議照千總例給卹銀二百兩其應給何項襲
廕尙未准部議覆前來同治十二年十二月二十日 臣准禮部咨
同治十二年十月二十四日內閣鈔出二十二日奉

上諭御史吳可讀奏同知死事甚烈請飭查明予諡建祠殉難家

屬一併附祀并將事迹開單呈覽一摺甘肅殉難署西甯府貴德同知承順在署任內舉行善政頗得民心嗣於六年二月間探聞回眾滋事守城禦賊因眾寡不敵廳城被陷該故員與其母弟等同時遇害極爲慘烈殊堪矜憫惟予諡之典臣下不得率行奏請著左宗棠將該故員殉難及其家屬死事情形確切查明據實具奏欽此由部恭錄咨行到臣比經轉行司道飭據署西甯府知府龍錫慶署貴德廳同知李篤慶稟復前來查故員承順係漢軍正藍旗榮桂佐領下文生咸豐五年投效湖北軍營於克復漢陽等城案內洊保藍翎選用通判湖北肅清領咨回旂報捐分發指省甘肅加鹽提舉銜奉

奏稿卷四十六

无

旨照例發往到省後歷委署理甯夏鹽捕通判涼州府平番縣知縣所至盡心職守甚得民和同治元年八月署貴德廳同知履任之日正回逆倡亂之時西甯所屬循化巴燕戎格大通諸廳縣後先淪陷貴德廳孤立賊中五年之久屹然獨立實賴承順固結民心效死勿去所致六年春承順盤獲奸細田有林訊知逆回暗行勾結謀陷廳城仍鎮定設防益爲之備二月十六夜逆首馬尕三法正清勾結馬雙哥王尕喜率千餘人寅夜攻城承順登陴固守飛石雨下斃賊頗多無何城內痞回開門應賊城遂陷承順率民勇提刀巷戰手刃悍賊十七名另股賊從後至復回身轉鬪適屋上匿賊擲石中頂暈悶僵仆比羣賊大至承順猶厲聲罵賊賊怒

斷其左臂罵愈厲復斷其右足斷其首而支解之其次弟候補州同崇順四弟吉順扶其母過屍所且哭且罵皆被羣矛攢刺立斃身無完膚家丁李文忠等七名同時隨殉至今貴德遺民言及好官遇害之烈全家同殉之慘猶聲淚俱下不能自已也由司道具詳前來臣維署貴德廳同知候補通判承順於逆氛披猖之時久守孤城歷經五載城陷力竭殺賊捐軀屍遭分裂全家同赴虐餓僕役無一苟免事之慘烈節之奇偉實一時所僅見竊思綱常所繫名義所關不因品秩等差稍示區別若論表揚之義則秩卑人微較之名位尊顯者尤宜亟也御史吳可讀以籍隸本省見聞甚確具疏奏請於古人闡微之義尙無不合伏懇

奏稿卷四十六

三

皇上天恩俯准敕部將前署貴德同知候補通判承順從優議卹并准於死事地方建立專祠其同時被害親屬僕從一併附祀至予諡之典誠非臣下所敢率請然自軍興以來守令以固守城池殺賊殉難偏裨以奮勇當先臨陣捐軀者臣下籲請易名每蒙朝廷鑒允

懇
結恩予諡非僅爲飾終而設亦所以教忠也承順官卑節峻宜籲

恩施逾格

准予諡典庶足彰

聖化而勵人心是否有當謹核實陳明伏乞

皇太后

皇上聖鑒訓示施行謹 奏

奏稿卷四十六

三

大清宣統元年

覆陳海防塞防及關外勦撫糧運情形摺

光緒元年二月初七日

奏爲遵

旨覆陳仰祈

聖鑒事竊臣於光緒元年二月十二日承准軍機大臣密寄光緒元年二月初三日欽奉

上諭一道敕臣妥籌密奏欽此敬繹再四欽仰

聖慮精深無微弗喻凡愚臣思念所及未敢率陳者均已曲蒙

慈衷鑒諒

訓示周詳跪聆之餘譬猶蟄蟲坏戶一聞春霆乃迥然而有昭蘇之意也竊維時事之宜籌

奏稿卷四十六

三

謨謀之宜定者東則海防西則塞防二者并重今之論海防者以目前不遑專顧西域且宜嚴守邊界不必急圖進取請以停撤之餉勻濟海防論塞防者以俄人狡焉思逞宜以全力注重西征西北無虞東南自固此皆人臣謀

國之忠不以一己之私見自封者也臣之愚昧何能稍抒末議上

瀆

宸聰願聞浙承乏稍知海國情形及調督陝甘雖拮据戎馬之間迄少成績而關塞征戍局勢地形亦嘗畱意既蒙

垂詢及之敢不畢獻其愚以備

聖明採擇竊維泰西諸國之協以謀我也其志專在通商取利非

必別有奸謀緣其國用取給於征商故所歷各國壹以占埠頭爭海口爲事而不利其土地人民蓋自知得土地則必增屯戍得人則必設官司將欲取贏翻有所耗商賈之智固無取也惟其志在征商也故設兵輪船議保險以護之遇有占埠頭爭海口之舉必由公司召商集議公任兵費而後舉事自通商定議埠頭口岸已成各國久以爲利知敗約必妨國用也商賈計日求贏知敗約必礙生計也非甚不得已何敢輒發難端自輪船開辦彼挾以傲我者我亦能之而我又搏心抑志方廣求善事利器益爲之備謂彼猶狡焉思啟願而他之似亦非事理所有論者乃欲撤出塞之兵以益海防之餉臣且就海防應籌之餉言之始事所需如購造

奏稿卷四十六

三

輪船購造槍礮購造守具修建礮臺是也經常之費如水陸標營練兵增餉及養船之費是也閩局造船漸有頭緒由此推廣精進成船漸多購船之費可省雇船之費可改爲養船之費此始事所需與經常所需無特別籌者也海防之應籌者水陸練軍最爲急務沿海各口風氣剛勁商漁水手取才非難陸路則各省就精兵處募補如粵之廣惠潮嘉閩之興泉永漳浙之台處甯波兩江之淮徐鳳泗潁亳諸處皆可訓練成軍較之召募勇丁費節而可持久見在浙江辦法餉不外增兵有實用臺防議起浙之開銷獨少似非一無可恃者比也海防應籌者止此論者乃議停撤出關之餉勻作海防夫使海防之急倍於今日之塞防隴軍之餉裕於今

日之海防猶可言也謹案臣軍二次凱旋入關請撥的餉四百萬分六十萬兩昇陝餘以餉臣部各軍凡軍需軍糧軍火軍裝轉運賑撫津貼招募一切均挪移餉項暫應急需未嘗另立款目嗣後戶部議撥各省關釐金解濟臣軍而後臣之軍餉乃有八百餘萬之數而撤遣冗兵潰卒有費撫輯土匪安插回民有費局勢日擴用費日多甘肅舊有各軍均照臣軍每月發鹽菜發糧食發寒衣發轉運費發一月滿餉合計入關度隴每年牽算所獲實餉不滿五百萬兩而應出之款不下八百餘萬兩協餉到營一散卽盡陳欠相因旋成鉅款故臣軍每年初發滿餉兩月繼則發一月滿餉尙慮不敷每至冬盡臘初輒繞帳傍徨不知所措隨時隨事加意

奏稿卷四十六

書

樽節截至十二年臘底止欠常年餉八百二十餘萬兩挪空卹賞銀三十餘萬兩而各省關積欠臣軍之餉則已三千數百萬矣上年春夏之交仰蒙

聖恩特給庫款一百萬兩臣次第撤遣馬步四十營續又撤馬步千名省常餉二百餘萬兩此卽指入百二十餘萬兩之積欠餉數而言非實銀也肅州克復後籌辦採糧轉運新舊兩屆共計已墊價腳實銀三百數十萬兩糧可供至本年見新運腳則由涼運甘由甘運肅由肅運安西由安西運哈密約尙短實銀數十萬兩部章雖准作正開銷而仍祇取給於臣軍之餉計又占去一年應得實銀之數是欲求如常年通融敷衍苟顧目前而亦有所不能況

關外糧運愈遠愈費甘肅全局應圖漸復舊制經費又將有增無減也湖查沿海五省同治十一十二兩年每年解到協餉約近三百萬兩上年臺防事起福建奏停不解廣東江蘇解款稍減而浙江則比十一年多解二十九萬兩比十二年多解三十七萬兩山東亦多解二萬五千兩四省牽算所解實銀尙二百四十餘萬兩非賴廣東江蘇浙江山東疆臣公忠之誼則出關糧運鉅款欲停不可欲墊不能又不知計將安出也論者擬停撤出關兵餉無論烏魯木齊未復無撤兵之理卽烏魯木齊已復定議畫地而守以征兵作戍兵爲固圉計而乘障防秋星羅碁布地可縮而兵不能減兵旣增而餉不能缺非合東南財賦通融挹注何以重邊鎮而

奏稿卷四十六

畫

嚴內外之防是塞防可因時制宜而兵餉仍難遽言裁減也

高宗先平準部次平回部拓地二萬里北路之西以伊犁爲軍府南路之西以喀什噶爾爲軍府當時盈廷諸臣頗以開邊未已耗斲滋多爲疑而

聖意闕深不爲所動蓋立國有疆制置方略各有攸宜也謹按天山南北兩路舊有富八城窮八城之說北自烏魯木齊迤西南自阿克蘇迤西土沃泉甘物產殷阜舊爲各部腴疆所謂富八城者也其自烏魯木齊迤東四城地勢高寒山谿多而平川少哈密迤南而西抵阿克蘇四城地勢褊陬中多戈壁謂之窮八城以南北兩路而言北八城廣而南八城狹北可制南南不能制北故當準

部強盛時回部被其侵削後爲所并

高宗用兵準部以救回部準部旣平回部降臣阿逆又公行背叛妄冀踞其舊有腴疆自成戎索

天威所臨兇豎授首遂併回部有之腴疆旣得乃分屯列戍用其財賦供移屯之軍節省鎮迪以東征防繇費實亦不少今若畫地自守不規復烏垣則無總要可扼卽烏垣速復駐守有地而烏垣南之巴里坤哈密北之塔爾巴哈臺各路均應增置重兵以張犄角精選良將興辦兵屯民屯招徠客土以實邊塞然後兵漸停撤而餉可議節矣屆時戶部按其實需經費酌撥各省協餉嚴立程限一復道光年間舊制則關內外或可相庇以安若此時卽擬停

奏稿卷四十六

奏

兵節餉自撤藩籬則我退寸而寇進尺不獨隴右堪虞卽北路科布多烏里雅蘇臺等處恐亦未能晏然是停兵節餉於海防未必有益於邊塞則大有所妨利害攸分亟宜熟思審處者也論者又謂海疆之患不能無因而至視西陲之成敗以爲動靜俄人攘我伊犁勢將久假不歸大軍出關艱於轉運深入爲難我師日遲俄人日進宜以全力注重西征俄人不能逞志於西北各國必不致構衅於東南其於海防情勢言之甚明而於邊塞情勢容有未審俄人之竊踞伊犁也乘我兵事紛繁未遑遠略因藉口代守圖攫其財利以自肥其肇事伊犁亦豔其土沃泉甘川原平衍物產豐饒夙號腴區又距其國南界稍近伸縮得以自如也自肅回盡殲

安西州縣收復官軍疊進哈密巴里坤濟木薩關內外聲息漸通
中閒僅烏魯木齊紅廟子爲逸賊白彥虎所踞尙稽

天討黑子著面何足重輕俄羅斯北方名邦非如尋常無教之國
謂將越烏垣紅廟子挾逆回與我爲難冒不韙而爭此不可必得
之瘠壤揆之情勢殆不其然至土耳其卽都魯機國於五印度之
西距伊犁喀什噶爾萬數千里而遙印度爲古佛國在唐稱身毒
痕度音轉而訛不知何時奉天方回教遂忘其舊地輿而腴廣產
鴉片英人據其東南孟買孟加喇爲利藪轉市中國道光年間東
印度盡淪於英吉利厥後俄人又侵其北境西境土耳其國勢分
崩離析非復寰宇中央之舊矣英人以鴉片入中國均由孟買孟
加喇興販而來近詢滬局委員知鴉片來源仍旺舊惟公班及巴
第古喇兩種今添大小白頭土所謂大小白頭番本印度回教之
人其地卽土耳其也喀什噶爾回酋之叛附土耳其與俄英兩國
通商聞海口已刊入新聞紙此閒尙無聞見果如新聞紙所言喀
什噶爾附其同教之土耳其與英俄通商我旣兼顧不遑無從問
及則將來恢復後能否久守原可姑置勿論但就守局而言亦須
俟烏魯木齊克復後察看情形詳爲籌畫始能定議若此時先將
已經出塞及尙未出塞各軍概議停撤則實無此辦法也

諭旨中國不圖規復烏魯木齊西北兩路已屬堪虞且關外一撤
藩籬難保回匪不復嘯聚肆擾近關一帶關外賊氛旣熾雖欲閉

關自守勢有未能於邊塞實在情形瞭如指掌臣本毋庸再贅一詞特以事關時務大局不備細陳明必貽後悔身在事中有不敢不言言之不敢不盡者耿耿此衷良非有他至規復烏魯木齊非勦撫兼施不可非糧運兼籌不可按陝逆白彥虎由西甯大通竄遁關外時除老弱婦女外能戰之賊至多不過數千而止人所共見卽被裹出關各回由安玉哈密逃歸就撫者其說亦同前敵所報或多或少未足爲憑其言賊勢或旺或衰亦非確論據實而言白逆悍鷙不如陝回諸目而狡詐過之計該逆自陝至甘未嘗佔踞城池遇勁軍未嘗戀戰有時見勁軍躡蹤而至給諸逆目斷後自絮黨夥先逃所犯之處未嘗久畱專爲覘便竄逸之計觀其過

奏稿卷四十六

三

肅城不赴馬四之招見踞紅廟子不踞烏垣亦可概見賊智長於用伏官軍計畫稍疏輒爲所陷臣前接關外諸軍函牘言賊可取狀會告以勿論賊勢強弱且自問官軍眞強與否賊之以弱示形須防其羸師誘我此賊如敗必乘機竄逸如陣前殪斃乃爲了局此爲言勦者策也南路闢展吐魯番至阿克蘇地狹民貧土回閩窮近爲敖罕屬部安集延所制安集延踞吐魯番之頭人帕夏能以詐力制伏回眾與白逆通善持兩端此時踞伏未動且貌爲馴順以示無他如遽加以兵則滅後勁之軍增前路之賊非計之得也漢趙充國之討羌急先零而釋罕开厥後先零平而罕开自服效猶可覩見之屯軍哈密修水利興屯田一爲鳩集哈回以固藩

備一爲置子中央杜賊句結而取芻糧節輓輸猶其小者此爲言
撫者策也甘涼與肅向稱腴郡亂後人少地荒物產銷耗關外安
玉敦則尤甚焉今探買至十九萬石抵承平時全省一年額賦猶
疑其尙可加採奪民食以餉軍民盡而軍食將從何出乎以輓運
言之車騾負糧多而飼養所耗亦多駝負糧少而飼養所耗亦少
以所運程途計之車行三十日而所負之糧盡駝行三十日而所
負之糧尙可稍餘以濟待餉之軍駝行內地及戈壁日耗糧三斤
若行邊外則食草不必食料所省又多自來軍行北路用北路之
糧無由關內運濟北路者今肅甘涼運安西由安西運哈密已爲
從前承平時所難若尙責其踰天山運巴里坤更由巴里坤運古

奏稿卷四十六

完

城勞費固不必言試思關內之糧除人畜食用無論騾之與駝能
運至哈密者幾何能運至古城巴里坤者更幾何也於是爲之說
者曰盍易長運爲短運盍於肅州玉門安西馬蓮井哈密建倉廠
備起卸軍糧之用建廠店開井積草儲薪歇駝騾備轉般更替之
用見於灰燼沙磧之間勉爲之已據報有成效無如運糧不能舍
駝與騾駝騾往返行住均不能停餒養以騾駝所運之糧餒所運
之騾駝非往多而返則少行多而住則少一轉所耗如是數轉所
耗亦如是并非長運耗多短運耗少也臣前稱軍糧僅可運至哈
密者祇就運至哈密尙有餘糧供軍計之且指負多食少之駝而
言非指車騾也景廉但知烏科之糧難運不知肅州之糧可採可

運而無可供前敵之軍翻不如北路駝運勞費相當免耗糧草究有可供前敵之軍西路用兵肅州哈密原有設糧臺成案大都集餉調車馱就北路採糧運北路濟軍岳鍾琪由四川甘肅調駐巴里坤其初不知地形故有南路設糧臺辦糧十四箇月之議旋即停止人力所限地實爲之今豈必異於古臣之所以擬從北路採運軍糧而指烏科一帶爲言者蓋以北路商旅往來均問途烏科除北南中三大路外南有一捷路由歸化城包頭而西不經烏科不由四路別有閒道可達巴里坤自包頭向西稍北至蛇太大巴共十餘站其間爲烏科及歸化各城所屬蒙地無臺站而有屯莊蒙漢雜處自爲聚落產糧之地頗多雇駝亦易由大巴西北十六

奏稿卷四十六

單

站抵巴里坤則無臺站無屯莊計程以駝行一日爲一站自歸化城起駝行三十餘日可抵巴里坤遂呼爲三十餘站所經之地屬何城管轄無從確悉但稱烏科實則近時商旅赴西路者均以此路爲徑捷未嘗繞道烏科兩城也臣意若此路糧運可辦於前敵軍食有裨而關內之糧遞運安西哈密亦可由巴城用駝接運庶前敵軍食以兩路供之不虞缺乏但求於事有濟得免諉謝之愆雖艱阻勞費固不恤也如天之福此後哈密屯務可興敦玉耕墾漸廣庶糧運兩事尙或不至束手臣惟盡其心力所能到者圖之謹將海防塞防實在情形及見在關外應勦應撫籌糧籌運實在情形披瀝陳之其應密覆者謹按

垂詢次第附片條對以清眉目而便

省覽伏懇

皇太后

皇上訓示施行謹 奏

軍機大臣奉

旨另有旨欽此

奏稿卷四十六

望

遵 旨密陳片

光緒元年三月初七日

謹將

垂詢各條遵

旨密陳伏乞

聖鑒奉

諭關外見有統帥及見有兵力能否剿滅此賊抑或尙有未協之處應如何調度始能奏效或必須有人遙制俾關外諸軍作爲前敵專任剿賊方能有所稟承著通盤籌畫詳細密陳臣謹按關外統帥景廉素稱正派亦有學問承平時迴翔臺閣足式羣僚惟泥古太過無應變之才所倚信之人如裕厚等阿諛取巧少所匡助

奏稿卷四十六

望

而倚勢凌人時所不免額爾慶額初到時因採辦糧食與局弁商辦局弁備舉以告裕厚惡其漏泄立將局弁棍責二百額爾慶額銜之又額爾慶額初見景廉接待不甚款洽自此晉見甚稀不樂爲用額爾慶額雖性情粗莽不甚曉事然膽力尙優如有以慰其心未嘗不可得其力也此金順在安西州時曾與張曜言者金順在肅時曾誅黎獻叛卒頭目而收其散卒百餘入營後遣劉宏發帶五營赴古城此散卒卽雜附其內到後復爲黎獻誘去并句引其同營勇丁與俱金順嘗爲張曜言之桂錫楨於時稟來亦言彼間近有句致外營勇丁之事大約指此景廉不知也兵農旣分不能復合景廉泥古寓兵於農之說誤擬屯丁爲戰兵上冬曾委一

金姓統領率五營駐濟木薩附近地方甫築營壘偶聞賊警一夕潰退

臣

初不信後接其函牘稱該軍頻年且戰且耕近多疲乏茲

特委員入關於肅甘一帶募勇丁補缺額屬轉飭各屬速爲資給是屯丁潰退之說似非無因并悟其前奏仿古徙民實邊欲調取關內戶口赴古濟耕墾爲寓兵於農起見不料其經歷有年若不知農之不可爲兵游勇之不足恃也巴古濟各處糧非寬裕

臣

前

疊接額爾慶額桂錫植等稟報採糧地方及糧價數目疑其不實

比函致金順附開原單屬其逐加察看茲接金順正月二十四日

巴里坤來函具言巴城辦糧三千餘石價漸增至十七八兩且無

買處奇古濟一帶已分途廣採僅得一萬石除劉宏發五營食用

奏稿卷四十六

望

外祇贖數千石南山口一帶聞可採者不過數百石紅土坂灘一帶并稻米可採二三千石又經錫大臣採辦甚多所示採糧原單數目相符惟景大臣亦在各處採買故僅得此數是人言景大臣已爲金都統訂買二萬數千石實非無因如果巴古糧絀景廉肯於北路設法採買不勒定本境市價人情趨利若鶩境內價高商販聞風而至糧價自當平減何至客軍到境百貨價值尙均如常糧價獨騰貴數倍乎見在關外議論均謂景軍有糧無兵金軍有兵無糧按其增募部勇力止金軍足知其計之拙也金順爲人心性和平失之寬緩雖有時覲便乘利而究知服善愛好無忌嫉之心故亦爲眾情所附平時粥粥無能帶隊臨陣尙能奮勉

臣前在

肅州目擊而知觀其在軍營數載過無可指功有可言其人之大概可想臣於景廉而知古所稱殷浩房琯終不失爲清流也臣於金順而知古所稱宮之奇董安于終不失爲智士也以僚友私誼而言奚必求全責備惟旣蒙

聖明垂詢及之固有不盡者以見在通籌全局而言金順旣居前敵任戰事似宜以戰事責之關外統馭之權在烏魯木齊都統若以景廉之任改畀金順令得節制各城辦事領隊大臣而以金順所任京秩改畀景廉似於前敵事宜呼應靈通較易措手關外兵力本不爲薄惟勝兵少而冗食多以致曠日稽時難覩成效於此而欲從新布置非嚴加汰遣不可臣前在肅州與金順定議

奏稿卷四十六

器

先將舊部挑汰資遣足成十二營外挑畱明春所帶成祿舊部併成三營合爲十五營金順又請調臣部馮桂增馬隊一營礮隊一起以勇丁五百夫二百爲一營計算已近萬人嗣明春奉

旨授哈密幫辦大臣不歸金順統領金順又廣收投效將弁勇丁遂至營數漸增多至二十營有奇如果一律精實則此二十營已足敷攻剿之用不須更調見在賊勢無增而官軍漸增漸多不符原議之數若就見有兵力而言豈復尙虞不足至用兵之道規摹局勢先後緩急尙可預爲商酌至臨敵審幾致決瞬息不同兵情因賊勢而生勝負止爭呼吸斷無遙制之理臣自忝預軍事至今閱時頗久竊維用兵一事在先察險夷地勢審彼己情形而以平

時所知將士長短應之乃能稍有把握其中有算至十分而用七八分已效者有算祇七八分而效過十分者亦有算至十分而效不及三四分者更有我算多而賊不應并有賊算出於我算之外者始歎古云多算勝少算及每一發兵須髮爲白非虛語也平時用兵親臨前敵於地勢賊情軍情審之又審盡心力圖之可免貽誤有時不必親履行陣但畫定大局料定賊情用其相信之將領并所部之人才亦可集事惟過則歸己功則歸人以策後效以勵將來可常勝而不敗蓋於所部將士知之有素所部餉需計之已深故隨事隨時泛應而可期其曲當也若以此驟加之別部行之異地譬如盲人道黑白又若繫人手足令其搏鬪求勝不能盡人

奏稿卷四十六

聖

之長適成己之短其害將不止人已兩負此可見遙制之難矣關外之事自嘉峪至哈密臣漸有布置并擬辦理巴里坤事宜惟該管鎮迪道照例雖應歸督臣統轄而烏魯木齊都統久視爲專屬不樂其別有稟承致關外事體不相聞問甚至到任履歷并不呈遞尋常寒暄啟候亦不之及見任之鎮迪道卽係如此臣非於部文中見其名尙不知其誰何況望其稟商公事乎應請

敕下烏魯木齊都統仍歸舊制凡鎮迪道所有公事隨時稟報督臣備檔以憑考核督臣得以藉悉一切遇事盡心贊畫或可稍資裨助否則閩閩之內畛域攸分督臣無從過問何能借箸代籌至遙制之說尤非疆臣分所當然易生嫌隙不特事非舊制難議更

張且一人智慮才力責以數千里外擘畫經營勢固不逮徒滋譏
謝之端更啟觀望之漸無益於事而又害之實非宜也

諭詢肅州克復後令將所部裁併遣撤以備出關餉需并著一併
奏聞臣謹按各路楚軍并甘肅向存各營改照楚軍發餉者除陸
續撤遣四十餘營外見存馬步一百四十一營每年共應發滿餉
四百八十萬兩各路就地召募土勇預擬改爲額兵者四千餘名
每年應發實銀十八萬餘兩西甯甘涼肅各提鎮標營每年共需
實銀約三十餘萬兩合計軍餉項下共需實銀五百數十萬兩此
外軍需項下如軍裝軍火採買製辦之費每年需實銀三十餘萬
兩并棉衣單衣及各防軍糧價津貼約共需實銀四十餘萬兩加

奏稿卷四十六

吳

入水陸轉運腳費臺局薪糧津貼各項下每年約共需實銀三十
餘萬兩總餉需實數計之共銀六百數十萬兩自辦理西路出關
採運以來每年出款又增實銀二百餘萬兩合餉需實數計之一
歲入款近五百萬兩出款需八百餘萬兩以入抵出不敷實銀三
百餘萬兩同治十二年辦理奏銷截算是年臘底止積欠餉數八
百二十餘萬兩卹養項下實銀三十餘萬兩以撤遣四十餘營銷
抵積欠餉數二百餘萬兩尙欠六百數十萬兩加入十三年欠數
又七百餘萬兩當此時艱同值各省協解之款難於議增就常年
餉數言之以入抵出不敷之數已百餘萬兩而頻年積欠之款除
裁撤四十餘營外尙懸欠七百餘萬兩見辦關內外採運新舊已

墊未墊出款又增至四百餘萬兩晝夜焦思無從設措擬俟奏借洋款三百萬兩到後再設法裁併遣撤以濟出關之需見存之一百四十一營除西路北路邊防及安插新撫諸回各處不可輕議外其東路南路防營專司緝匪護運見在地方漸安游匪斂迹有可裁併者可減汰者內如穆圖善馬步各營實可全撤雷正綰各營可漸改制兵均當次第奏請施行此外軍裝軍需軍火等件暫可減辦可緩辦者津貼轉運等費可減省者均當分別酌減彙案奏聞關內省一分關外卽多一分勻濟臣惟殫誠竭慮不惜心力黽勉圖之而已

諭旨西路用兵不能不以肅州一帶爲後路糧臺朝廷不另簡派

奏稿卷四十六

聖

戶部堂官辦理疊諭左宗棠駐紮肅州專司其事亦以糧運事宜經本省大吏呼應較靈又恐該大臣公務紛繁不遑兼顧并以袁保恆前辦西征糧臺數年以來尙無與左宗棠不能和衷痕迹故特授袁保恆以戶部侍郎并作爲幫辦以爲該大臣指臂之助乃近來彼此齟齬殊失協和之道袁保恆旣不能與左宗棠平心商榷深恐貽誤事機且遇事各存意見則兩人同辦不如一人獨辦關外糧餉轉運事宜應如何辦理自必籌之至熟而鎮西迪化各廳州皆該督所轄尤應獨任其難左宗棠前有不駐肅州亦可隨時料量之奏如該大臣可以兼顧抑或一人不能兼顧而袁保恆實不勝幫辦之任該大臣意中另有得力之員可以分任其事亦

不妨據實直陳均著妥籌密奏臣謹案從前西路用兵肅州哈密均曾設立糧臺而運糧踰天山濟西路之北者實止岳鍾琪一人旋以車馱煩費自議停止後此查郎阿議開山修道以通糧運而迄未舉行此外則無可考當豐亨豫大之時不慮無財辦運不慮無駝騾應調承辦諸員不乏敏幹之才而顧未主此策者非因此道勞費太甚盡存畏難之心實緣所運不敵所耗糧之可到前敵供軍食者少也見於肅州安西哈密修建倉廩各以存倉斗二萬石爲率以待輓轆轉運撥袁保恆見成車輛分置肅州安西州以濟駝運之窮於北路糧駝試辦採運以補肅州安西哈密之乏竊維事之可爲者止此至袁保恆於同治七年欽奉

奏稿卷四十六

吳

諭旨派赴臣軍差遣委用臣念學士清班非如僚屬之可加以督責正以難於位置爲疑聞其爲人姿性警敏素尙圓通而豪侈驕矜習慣成性在所不免因奏請其辦理西征糧臺專司開單奏催協餉及咨函分致各省關之事餉到卽交駐陝總理軍需局道員沈應奎由其一手經理而軍裝局亦附焉西征糧臺祇管餉之入款不預餉之出款臺中薪糧幕俸勇餉按月支給均有定章遇有需用均由臣批飭總理軍需局照發意在用其所長避其所短也於體制優以儀文於酬答隆其禮意至於稽核一切則未嘗有所假借如是者五年袁保恆遇事啟告曲致衷忱亦無過失可指乃自奉幫辦出關轉運事宜

恩命而後一變其從前所爲不特遇事不相關白卽奏報亦不令
臣預聞所請鉅款動稱某款需用若干初年若干常需若干渾言
應需而不條舉所需數目其空言無實已可概見臣因意識不合
曾具摺直陳并將歷次咨駁之稿鈔送軍機處戶兵兩部亦謂所
言公則公之何嘗有逞辯爭勝之意袁保恆立意牴牾意圖牽帥
仍以臣所言爲錯誤而不顧此心所安又藉購備軍械覓買物件
任性妄爲并無顧忌視糧臺協款爲私計恣其揮霍各局靡所適
從臣亦無憑稽核同役而不同心事多牽掣誠如

諭旨兩人同辦不如一人獨辦之爲愈矣至臣前奏不駐肅州亦
可隨時料量原以西路所設各局委員均經審擇隨時察看弊混

奏稿卷四十六

吳

難容而局章旬報不逾旬外三日月報不逾月外十日由此達彼
節節皆然如有奸弊容易覺察輕則撤委重則劾辦董之以甘涼
安西兩道而臣總其成各委員弁毋敢違慢良以官輕秩卑驅策
較易局密期促舞弊爲難亦猶秦西互市官少而事舉也歷考從
前兵事多設糧臺而糧員之以資緣進以貪墨終者比比而是厥
有明徵臣自忝預戎事以來有鑒於此每設局而不設臺惟由東
南而西北會於湖北奏設後路糧臺兼司餉需出入如道員王加
敏相知廿餘年相從於湘鄂江西皖越八閩辦理臺局要務不特
臣軍倚賴最深亦爲各省大吏所共信彼此推誠相待終始弗渝
實爲一時罕見雖假以糧臺之名而庶務躬親與尋常局務委員

無異此外如道員沈應奎總理軍需局名爲局員而所辦皆糧臺之事亦一時之選惟兩員見辦臣軍餉需要務正資臂助未可調令他往肅州事定後奉

旨 在玉門地方安設轉運糧臺臣會附奏請於戶部堂官內

簡任賢能總司其事并令選派廉幹司員攜帶帑銀出關原冀有賢能分任資以歷練可儲異日邊才未蒙

俞允臣亦不敢再瀆區區愚衷竊以關外時勢而論應請緩設糧臺仍仿照見行章程於哈密巴里坤各處設立糧局爲宜哈密一局見委署通判張季方經理咨張曜照料專司收糧轉運巴里坤一局委見署總兵王鳳鳴經理由臣遴選員弁幫辦專司收發臣

奏稿卷四十六

辛

雖遠距省城尙可以時鉤稽加之督責務歸實濟以裕軍儲而護臺之軍可省糧臺陋習可除一切經費可節矣如有必須親臨察核之時自當力疾前往斷不敢顧惜微軀致滋貽誤袁保恆旣撤西征糧臺可否責成陝西藩司經理遇有應行奏催及咨行各省事件均呈由陝西撫臣核辦應候

聖裁

諭詢錢鼎銘擬將宋慶所統全部調回潼關扼紮宋慶所部應否畱禁內地如不令該軍西征關外兵力是否足敷勦辦著左宗棠體察情形迅速具奏臣按兵之用在精兵之精在將宋慶治軍能整約束能嚴而虛懷好善尤有可取本擬俟金順全軍拔行後糧

運可以通融再率所部由涼州出關屯駐安西以備繼進其前隊千人則已於去秋先進哈密墾荒地茲錢鼎銘擬調其回紮潼關意在鎮壓中州拱衛

畿輔臣察看烏魯木齊賊勢非極狡猾金順所部亦非單薄宋慶一軍既未深進應卽照其所請調回惟已到哈密之前隊千人是臣否可以拔令同歸應由宋慶自行酌度臣已照錄錢鼎銘來咨移會宋慶屬其由鎮番取道甯夏以歸就西事論將來進兵之際恐須別簡勁軍方期周妥見計未撤各營尙有堪以應調者宋慶一軍東旋自無不可謹據愚臣思念所及者臚陳入

告是否有當統候

奏稿卷四十六

五

聖明裁擇敬承

密諭敢不披瀝直陳惟辭太繁冗未能簡當遲稽時日惶恐難任伏懇

聖恩曲加

鑒亮不勝悚息待

命之至謹 奏

軍機大臣奉

旨另有旨欽此

袁保恆覆商各條片

光緒元年三月初七日

再正具摺開適袁保恆自西安來晤敍一切自稱因急於自效一時未及詳營請卽照臣議定見出其覆商各條大致與臣意見相符并稱近又查有甯夏附近採糧經阿拉善旂地界運巴里坤一路似亦可行擬旬內由蘭州親赴甯夏營看其購辦之車騾已陸續委弁押解西路由臣調撥謹一併附陳伏乞

聖鑒謹 奏

軍機大臣奉

旨知道了欽此

奏稿卷四十六

聖

光緒元年三月二十八日內閣奉

上諭左宗棠著以欽差大臣督辦新疆軍務金順著仍幫辦軍務
欽此同日內閣奉

上諭戶部左侍郎袁保恆著回京供職欽此
軍機大臣字寄光緒元年三月二十八日奉

上諭左宗棠奏海防塞防實在情形并遵旨密陳各摺片覽奏均
悉所稱關外應先規復烏魯木齊而南之巴哈兩城北之塔城均
應增置重兵以張犄角若此時卽擬停兵節餉於海防未必有益
於邊塞大有所妨所見甚是至海防之餉據稱始事所需與經常
所需無待別籌綜計各省設防事屬經始需款較鉅若僅將購船

奏稿卷四十六

五

雇船之費備用短缺尙多此則宵旰焦思而尙待與各省疆臣共
相經畫者也關外軍事餉事總須得人方克膚公迅奏本日已明
降諭旨授金順爲烏魯木齊都統并將景廉調補正白旂漢軍都
統與袁保恆一併諭令來京供職矣至臨敵審幾致決誠難遙制
而規摹局勢先後緩急左宗棠亦謂尙可豫爲商酌且西征將領
分位均屬相埒若非有重臣爲之統率不但諸軍無所稟承且恐
各不相下貽誤戎行左宗棠著以欽差大臣督辦關外勦匪事宜
金順著幫辦關外勦匪事宜惟甘省善後事宜該大臣次第興辦
正在喫緊之際而糧餉轉運各事亦應由關內豫爲經營左宗棠
或駐紮肅州或隨時出關料理糧運以期內外兼顧之處著酌度

情形妥籌具奏金順當督率關外各軍作爲前敵隨時與左宗棠會商專任剿賊之事埽盪逆氛關外之兵尙多冗食應如何嚴加汰遣進兵之際旣須別簡勁軍見在未撤各營尙有何軍可以應調并著通盤籌畫詳細奏聞關外時勢可以緩設糧臺卽照該大臣見行章程於哈密巴里坤等處各立糧局妥爲經理如有必須親臨酌覈之時當前往察看以昭慎重北路另有捷徑由歸化城包頭而西可達巴里坤此路旣能籌辦糧運自可從此布置總之無論長運短運及如何辦糧如何取道但能於事有濟悉由左宗棠酌度辦理該大臣素顧大局當不致有負委任也西征糧臺著責令陝西藩司經理遇有應行奏催及咨行各省事件該藩司卽呈由陝西巡撫覈辦鎮迪道例應歸陝甘總督統轄著左宗棠知照烏魯木齊都統仍歸舊制凡鎮迪道一切公事隨時稟報總督以備查覈宋慶一軍旣可東旋卽著照所議行將此由六百里諭令知之欽此

籌借洋款片

光緒元年三月初七日

再臣上年奏請籌借洋款三百萬兩奉

旨戶部議奏欽此維時年關逼近臣軍照章應發滿餉及年關前後應發鹽菜糧價出關採運價腳應發未發之款積欠纍纍無可設措竊慮部覆到遲迫不及待一面飛飭上海湖北陝西各臺局委員胡光墉王加敏沈應奎等先籌借銀一百萬兩趕解臣軍俾濟急需俟部准借洋款到齊劃還歸款幸各員極力籌借如數匯解前來臘底春初得資敷衍此外又挪借各處之款二十餘萬兩見存待用將來洋款三百萬兩到齊先須劃還見借各款百二十餘萬兩其存留備用者不過一百七十餘萬兩嗣據胡光墉稟遵

奏稿卷四十六

五

檄向麗如怡和兩洋行籌借該洋商均援臺灣見辦成案議照洋人西林時價以爛洋圓作足紋抵付將來仍照西林時價以足紋作算勻還胡光墉默計按照臺灣辦法雖期約十年息祇入釐似較合算然以爛洋板抵足紋銀一收一付暗中虧折不少請示前來臣以洋商向來出借規議年月久則取息薄借數多則取息減茲祇議借三年則息銀自不能僅照八釐計算若照十年議借爲期過遠又非所宜飭仍議借三年照章給息而借款不能以爛洋准折比卽飛函示知頃據胡光墉稟已照臣原議向怡和洋行定借銀一百萬兩約期光緒元年三月初一日在滬提銀向麗如洋行定借銀二百萬兩約期光緒元年四月十五日提銀每年加利

銀一分零五毫均從交銀之日起算勻作二年六期歸粵蘇浙三省協甘餉項如數劃撥清款每六箇月一期利銀隨本銀照數算給以後按批遞減見援照上屆成案先由各海關照議定期限本銀利銀分別填給關票加蓋該三省督撫監督關防稅務司印信簽押發交胡光墉以憑交割提銀該洋商等公議希總理衙門行文照會駐京英國公使總稅務司轉行上海領事府三關稅務司知照俟三省關票印押齊到始肯提銀揆度商情或以此次借款三百萬兩臣未催提疑有停減之說實則臣因戶部前此有應通盤核計如果暫敷應用毋庸再借洋款節省息銀一奏須與袁保恆商議稍事遲回遂添轆轤洋人生性多疑商情惟知計利毋怪

奏稿卷四十六

奏

其然聞此次胡光墉及拏能嗙噠吧與該洋行定議頗費唇舌合無仰懇

天恩速敕總理各國事務衙門轉行遵辦以釋羣疑而資迅速毋任禱切之至謹附片具陳伏乞

聖鑒訓示施行謹 奏

軍機大臣奉

旨該衙門速議具奏欽此

甘肅地方安靜懇 恩舉行紀元鄉試摺 光緒元年三月十四日會銜

奏為甘肅地方安靜道路疏通幸際紀元

恩科伏懇

簡派甘肅正副考官舉行鄉試恭摺仰祈

聖鑒事竊 臣於光緒元年三月初十日接准禮部咨議奏光緒元

年乙亥

恩科鄉試并恭奉

恩詔加廣各省中額甘肅一省見有壬戌甲子二科劃畱中額共

三十六名未補本年舉行乙亥

恩科鄉試應請仍照成額將兩省中額劃分陝西應分四十一名

奏稿卷四十六

七

合之捐輸加定額九名及本年

恩詔加額二十名內應分十三名共應取中六十三名甘肅省本

科應分中額二十一名本年

恩詔加額二十名內應分七名并請帶補壬戌

恩科劃畱中額十八名暨壬戌

恩詔廣額內分七名捐輸加廣一名共應取中五十四名其甲子

科劃畱中額十八名歸入下屆取中邊郡士子另編字號者應查

照上章辦理等因於光緒元年二月初八日具奏奉

旨依議欽此行文遵照前來 臣維前於同治十二年奏請分闈就

試嗣經部 臣核議以由甘至陝路程遠者自一二千里至五六千

里不等士子跋涉之苦資斧之艱誠有如該督所稱者所請分闈
考試之處自係爲作興士氣起見惟定額應會商陝西撫臣妥議
等因比經商定會奏并行司轉行所屬各紳耆士庶聞之莫不仰
頌

皇仁自任創建貢院冀副

盛典嗣讀

恩詔本年恭遇

皇上元年特

恩科廣各省

鴻施益深奮勵遂於省城袖川門外建修貢院伐石於皋蘭北山

奏稿卷四十六

奏

採木於平番碾伯河洮各州廳縣同時各郡人士徵匠送徒鳩資
庀材絡繹載道甑瓦木石不足則各罄私儲或撤祠屋散材入公
不計價值僉稱

御極初元

恩榜邊遠寒峻旣被

皇仁自宜勉力設措剋期創修闡揚仰承

聖澤聯名赴地方官司道及臣衙門呈懇履驗臣率藩司崇保臬

司楊重雅蘭州道琫武蘭州府鐵珊等公同閱視局勢軒廠連城

傍河凡試院應備堂室號舍各所基址規模粗具工料應手酌度

情形新建貢院初秋約能蒞事必可無誤試期謹查每屆鄉試禮

臣按各省程途遠近先期分起具題請

旨簡放正副考官均於八月初一日行抵省會初六日入闈初八
十一十四等日三場局試九月初旬出榜甘肅較陝西多二十二
驛站似禮部請

簡甘肅典試應在陝西之前庶試官就道駢征爲期不虞迫促理
合一併聲明除咨禮部查照外謹會同陝甘學臣吳大澂合詞具
奏伏懇

皇太后

皇上聖鑒訓示施行謹 奏

奏稿卷四十一

堯

軍機大臣字寄光緒元年四月初四日奉

上諭前據左宗棠奏甘肅東南兩路地方漸安穆圖善馬步各營可以全撤見在穆圖善到京已諭令署理正白旗漢軍都統其所部各營駐紮涇州該處爲東南屏蔽如果裁撤是否無慮空虛著左宗棠悉心籌畫或全行裁撤或將得力者挑留數營酌度機宜奏明辦理此項兵勇裁撤後東路設有緩急左宗棠當妥籌兼顧儻有疏虞及所撤勇丁或滋事端惟該大臣是問前有旨令袁保恆回京供職西征糧臺責令陝西藩司經理遇有應行奏催及咨行各省事件該藩司卽呈由陝西巡撫覈辦穆圖善所部隨營多年見在擬卽裁撤應如何酌發欠餉以示體恤之處著左宗棠譚

奏稿卷四十六

卒

鍾麟督飭藩司妥籌辦理穆圖善所部內有吉林黑龍江馬隊五百餘名著該署都統檄調來京交神機營暫行管帶該馬隊到京後卽在南苑駐紮將此諭知穆圖善并由四百里各諭令知之欽此

請將安肅五屬舉額隔科分別編號取中摺

光緒元年四月二十九日

奏爲請將安肅五屬編列聿右字號舉額仿照丁字等號之例隔科編號取中以順輿情仰祈

聖鑒事竊臣前據安肅道史念祖稟稱安肅五屬地處邊陲每逢大比之年該士子須赴西安跋涉數千里寒士輒因旅費維艱不能應試茲甘省鄉試

恩准分闈邊方士子就近赴試往返甚便人數必多查安肅各州縣向係編列聿右字號舉額僅止一名將來人多額少難免有見遺之慮據各屬舉貢生員郭相燾等稟懇并歸大號取中情願不拘聿右字號具稟前來臣比行司核議茲據甘肅布政使崇保按

卷四十六

空

察使楊重雅詳

查肅州安西烏魯木齊等處編列聿右號舉

額從前因邊陲士子赴試寥寥故另編字號俾其易於取中原屬

國家格外曲成之意溯查乾隆七年陝西撫臣奏准將聿字號舉

額一科通融憑文取中一科編設左右字號分中乾隆三十六年

復經陝西撫臣奏請將涼州一府歸入通省卷內毋庸另編字號

甘州西甯編爲聿左號肅州安西等處編爲聿右號各取中一名

其一科公同取中一科編號分中之例併請停止迨乾隆三十八

年經陝甘學政奏請將甯夏鄉試准其一科與通省合試憑文錄

取毋庸另編字號一科仍列丁字號照舊額取中嘉慶二十三年

前陝甘督臣長齡奏准將甘州西甯二府卽照甯夏榆林之例一

科與通省士子合試一科仍編聿左字號照舊取中各在案今安肅一帶士子以見在分闈鄉試應試人多恐爲成例所拘求准免分字號歸併大號取中自屬有志上進未便壅不以聞應請將肅州安西烏魯木齊等處聿右號舉額一名仿照甯夏丁字號并甘州西甯聿左號之例奏請一科與通省士子合試憑文錄取毋庸另編字號一科仍另編聿右字號照舊取中俟將來文風日盛人數益多再行察看情形統歸大號取中庶期公允會詳請奏前來
臣覆核無異合無仰懇

天恩俯念邊隅人士踴躍觀光卽自本年

恩科爲始將肅州安西烏魯木齊等處與通省士子合試取中下

奏稿卷四十六

奎

一科仍另編聿右字號取中仿照甯夏并甘州西甯之例辦理以昭公普而廣登進理合恭摺具陳伏乞

皇太后

皇上聖鑒訓示施行再查科場條例內開鄉會試年不准條奏科場事務惟甘肅分闈係屬創始事體攸殊所有一應舉行事宜併懇

聖慈准其隨時陳明以昭慎重合併陳明謹 奏

軍機大臣奉

旨禮部議奏欽此

桂錫楨馬隊撥歸金順節制片

光緒元年四月二十九日

再臣於同治十二年十二月初十日具奏出關諸軍糧運維艱宜分起次第行走以策全功摺內會陳明飭派總兵桂錫楨所部馬隊一營一起隨同涼州副都統額爾慶額西進并歸節制其桂錫楨所部餉糧馬乾銀兩均由臣隨時搭解桂錫楨前在肅州與金順所部各營共事日久彼此熟識尙稱契洽此時金順旣已進駐古城桂錫楨馬隊一營一起應卽撥歸金順節制調遣俾收指臂之效除咨金順額爾慶額查照外謹附片具陳伏乞

聖鑒謹 奏

軍機大臣奉

奏稿卷四十六

奎

旨知道了欽此

軍機大臣字寄光緒元年五月十八日奉

上諭金順奏馳抵古城扼紮濟木薩防護屯種暨糧餉艱難情形一摺金順由巴里坤督隊西進於三月閒行抵古城該都統以奇臺縣屬西集爾地方近接南山賊匪最易出沒已派馬步各隊駐紮卽著飭令聯絡聲勢嚴密設防據奏濟木薩西近三臺東接古城該處僅有禮字等營屯紮兵力尙單見在督軍進紮等語前已有旨命左宗棠以欽差大臣督辦新疆軍務金順調補烏魯木齊都統仍幫辦軍務并接統景廉各營該都統見已前抵古城著景廉卽將各營兵勇糧餉移交金順接管金順統率全軍所有調度機宜均歸區畫究應駐紮何處方爲相宜著左宗棠金順通籌全

奏稿卷四十六

查

局無誤戎機其濟木薩地方是否必須該都統進紮或酌派隊伍前往以資防護屯種之處并著斟酌情形妥爲辦理古城糧石缺乏亟應妥籌接濟著左宗棠懍遵前旨源源運解以期士飽馬騰各省關應協金順軍營餉銀山西四川兩省每年應協銀二十四萬兩僅據山西撥解一萬五千兩四川撥解六萬兩江海江漢粵海三關每關每年應協餉銀二十四萬兩僅據江海關撥解十萬兩江漢關撥解六萬兩粵海關撥解三萬兩見在該營盼餉甚殷著李瀚章英翰吳棠劉坤一翁同爵吳元炳鮑源深張兆棟文銛卽將各省關欠解協餉迅速埽數按期撥解毋稍延緩并著左宗棠咨照陝西巡撫俟前項協餉解到時卽由西征糧臺迅解金順

軍營俾應急需將此由六百里諭知左宗棠金順景廉李瀚章英
翰吳棠劉坤一翁同爵吳元炳鮑源深張兆棟并傳諭文鈔知之
欽此

奏稿卷四十六

